

武定府志



武定府志卷之二十八

列女志

商河縣

明

張氏舉人賈英妻年二十五夫亡守節十餘年

張氏王鉦妻年十九守節壽八十餘歲

張氏薛鑑妻年二十二守節壽八十餘歲

王氏夏欣妻年二十一守節七十九歲卒

王氏張仁妻年二十二守節壽八十餘歲

孔氏關里裔都御史張九叙繼室年二十餘歲守節

武定府志

卷二十八

列女 商河

八十餘歲而終

常氏知府孫孟和繼室年二十一守節壽六十七歲

李氏張承芳妻年二十餘守節壽七十歲

王氏劉子砥妻年二十餘夫亡守節

楊氏張炯妻年十九夫亡守節

劉烈婦劉實妻夫爲賊執婦往救與夫同死

張氏王宗辰妻大叅琨從侄婦崇禎年兵變辰以儒

編入城頭防禦城陷被殺濠次兵退張氏匍匐哀

號訪得其屍昇歸時亂後倥偬舅姑命藁葬氏卽

茹素紡績鬻釵珥逾年置棺木縫紉衣襖請命舅



姑啓夫骸殯祖阡成殮後撫棺哀泣切切默語至夕仰藥而歿

車氏張紹綺妻夫遠出有惡少乘夜犯之氏以死拒惡少刃其腹並殺其懷中幼女氏旣死猶手持爨具堅不可脫

張氏知州馬泰伸妻夙明大義事舅姑以孝聞崇禎壬午城陷泰伸殉難氏投繯而死

國朝

黃烈女生員黃建極女年十七許聘德安知府王治邦子生員治新會士賊剽剝繫其父榜之加以薰

武定府志

卷二十八

列女 商河二

燦並及其弟時女匿別所聞變出長跪求免賊欲得之女給以宿我父弟將從汝賊喜並釋之女度父弟去遠乃罵賊又奪其刀欲指賊乃亂殺之將焚其里會見青旂冉冉遙至駭爲官兵乃捨去蓋女之精靈所致云

王氏馬顯印妻年二十七生子女各一俱在襁褓顯印死壬午之難氏藁葬其夫每日以米少許炊粥飼子女掇野菜以自給艱苦萬狀享壽七十有九迄今孫曾繁盛

王氏生員張化一妻化一素值勇畧順治三年隨武

德道勦賊歿於戰氏挈遺孤隕涕殯殮乘夜縊於
柩側武德道申請 旌表

駱氏生員王與鼎妻年二十夫亡生子价甫三月姑
憫其少令他適氏曰吾分一死有姑在我何敢死
有幼子在我何忍死他言不敢從也於是奉姑撫
子備嘗艱苦姑終殯葬如禮子成立稱名士康熙
年 旌表

劉氏孫鳳儀妻十九歲夫故遺二子一名文一名煥
家甚貧拾蔬度日屢遭荒旱輾轉流離苦守不變
邑令吳存禮表其門曰苦節矢志

武定府志

卷二十八

列女 商河

三

晉氏趙間慶妻年二十八夫亡無子立伯兄子長廉
承嗣長廉入邑庠娶妻高氏年二十四而長廉卒
育二女無子以從兄子琚爲嗣姑媳孀居撫養如
已出琚娶楊氏舉二子爾聖爾捷楊年二十二而
琚又亡二男皆在襁褓中後聖入文庠捷入武庠
三世守節雍正十年 旌表

段氏李功勳妻年二十一而寡家貧乏嗣翁姑皆高
壽晝夜勤女紅以佐甘旨立猶子爲嗣守節三十
餘年乾隆三年 旌表

李氏朱用中妻年二十五而寡遺子一 旌表

養葬皆盡禮撫孤常清入武庠守節三十一年乾隆六年旌表

徐氏李連妻二十一歲而寡事翁姑先意承志撫孤成立動遵禮法軫卹饑寒資助婚葬閭閻稱之守節三十八年乾隆八年旌表

翟氏邑庠生趙貞運妻年十七而寡矢志不渝撫孤啓宋成立入庠拔貢啓宋妻王氏二十四歲妾高氏十六歲生子憲甫三歲啓宋卒同心撫養憲長爲歲貢生妻李氏年二十八憲亡遺二子尙仁九歲尙義五歲李教以義方仁義俱入國學三世守節乾隆八年旌表

武定府志

卷二十八

列女 商河四

翟氏王顯妻于歸六年而顯死遺一子截髮矢志翁歿哀禮兼盡姑患癰症氏朝夕奉侍飲食手哺歷十餘載無惰容撫孤成立守節四十七年乾隆十年旌表

馮氏邑庠生李士怡妻年二十五生子邁甫六月夫死翁姑年逾七旬勤擘績以供甘脆撫訓遺孤入泮守節三十八年乾隆十年旌表

王氏徐适妻年十九而寡遺孤方兩月食貧勵志奉養祖姑舅姑甘脆無缺姑多病祖姑失音皆

搔晨夕不懈撫子成立守節三十一年乾隆十一年旌表

厲氏王輅妻夫客登郡家貧紡績敬事孀姑年二十六而寡一子方七歲教誨成立守節三十五年乾隆十三年旌表

王氏于瓏妻年十七夫亡奉養老姑能得歡心撫猶子如己出守節三十一年乾隆十三年旌表
田氏陳鐸妻年二十而寡守志事姑苦節五十五年乾隆十五年旌表

張氏張錫妻年十九夫亡無子矢志靡他逾年姑歿

武定府志

卷二十八

列女

商河

五

遺幼叔方三歲保愛倍至十四歲而殤氏泣姑墓絕粒數日宗族勸以大義乃立猶子希聖爲嗣纔二齡撫養成人守節五十三年乾隆十六年旌表

黃氏張鎮妻二十而寡無子奉養翁姑誓不他適立嗣爲夫後守節四十八年乾隆十六年旌表

張氏黃禮妻年十九夫亡越五月生遺腹子晝夜紡績事孀姑十三年養葬皆盡禮撫育孤兒艱苦備歷守節四十六年乾隆十七年旌表

閻氏楊瑣妻年二十而寡家貧遺子（子名）嚴訓勸

之嫁氏乃剪髮毀面茹荼自誓撫孤成立守節三十六年乾隆十九年旌表

崔氏張兆台妻夫死子甫七歲教誨成立邑令表其門曰皓首完貞

曹氏適胡姓逸其名年二十而寡家貧不肯移居他人室遂自縊死

王氏馮乘鳳妻于歸時翁姑俱亡家貧勤紡織事祖姑以孝聞年二十六夫故遺一女晝夜悲泣自縊而死

王氏馬粹仁妻年二十六夫死舅老遺子方六歲守

武定府志

卷二十八 列女 商河六

節三十八年

李氏溫璣妻年二十三夫歿奉姑撫幼次子景曾入泮守節三十餘年

溫氏李灝妻二十三而寡紡織度日苦節自守卒年六十一歲

王氏李振蘭妻年十九夫亡無子孝事孀姑立夫兄子爲嗣恤貧乏濟無告戚黨多被其惠守節五十四年

王氏張允恭妻年二十八夫亡守節道光十四年旌表

吳氏趙可傳妻年十九夫亡守節壽八十一道光十六年旌表

張氏翟充信妻年三十夫亡守節壽八旬道光十六年旌表

王氏孫景尼妻年十九夫亡守節道光十九年旌表

劉氏王志浩妻夫亡守節壽八十道光二十三年旌表

烈婦王氏儒士張修妻也年十七于歸甫三歲修病且草氏奉湯藥維謹及修卒但髮而不哭面深墨

武定府志

卷二十八

列女

商河

七

人或以常情度之謂若婦未必守此終身者一日再拜請于舅姑議爲夫立後遂以兄子繼焉夫旣葬外家迎歸父母百端慰之氏惟飲恨悲悼時有憐其少婦議再醮者氏聞之泣曰婦而更他適異日何面目見死者于地下乎議者慙而止遂牽車徑歸夫家姑令其繼子婦同寢處視其舉止一似忍棄亡人而獨生者遂不之防一夕烈婦潛出躍于井其子婦尙以爲未寤也呼之再三不應跡之乃知其死于井也哭踊而出之顏色如生于是邑人莫不竒烈婦之節爲之流傳不衰焉道光二十

九年旌表

烈女王氏董一峯妻王悅都第三女也有暴客調戲

不從自縊死道光三十年旌表

王氏梁萃妻

壽十五

元氏劉毓崑妻

壽十二

石氏李安書妻

壽七十餘

王氏王士文妻

以上四人夫亡守節

張氏王通觀妻

蕭氏張廼右妻

王氏馬桂妻

閻氏王居恒妻

劉氏張廼尉妻

馬氏于體蘇妻

王氏王居笈妻

鄒氏鄭廷德妻

馬氏劉泰妻

許氏劉緯妻

楊氏程巒妻

徐氏王濟中妻

邵氏劉曰璋妻

王氏于思溫妻

鄭氏徐丕文妻

武定府志

卷二十八

列女 商河

八

魏氏王永保妻

于氏劉培榕妻

徐氏王滙妻

党氏張振祐妻

王氏董德熙妻

李氏于惇妻

徐氏王天林妻

何氏張梅妻

王氏周南妻

馬氏王雲湖妻

王氏張上智妻

韓氏王協中妻

趙氏王毓桐妻

楊氏張上玉妻

劉氏吳曰榮妻

于氏王毓枋妻

郭氏齊連城妻

王氏周中恒妻

張氏周鳳崗妻

張氏郭繁妻

以上三十四人並年少夫亡守節道光二十九年旌表

盧氏王峻祿妻

于氏李善修妻

壽八十七

李氏張扶衡妻

李氏

生

王廷泰妻

王氏李萃妻

李氏若秉祿妻

劉氏王振東妻

寇氏王營妻

孫氏王立清妻

張氏劉霄妻

以上十人並年少夫亡守節咸豐七年旌表

路氏李步廣妻

王氏劉克修妻 靖氏苑治泰妻

高氏路澤清妻

張氏展榛妻 滿氏高維翰妻

以上並夫亡守節以壽終

烈婦范氏車存志妻存志貌陋而癡氏不以爲嫌而愛敬倍篤人或以姻緣錯配相戲氏微笑不言而以命自安年十七歲于歸夫年僅十歲飲食起居咸賴於氏氏事久弗衰無德色亦無怨言越三年夫以疾夭氏痛幾絕翁姑殷勤勸諭免留餘生喪後歸甯母與兄以氏年幼無子終守爲難輒議改

武定府志

卷二十八

列女 商河九

嫁氏僞以服闋爲辭服畢母兄私爲定婚嫁期將近氏聞惟求歸拜別翁姑以盡婦道母兄不允氏自奔夫家拜見翁姑談笑如常獨歸卧室理妝整容更衣易履閉戶登床危坐而縊於窗下眾覺救已無及自死至殮面目如生一時咸驚爲神化云

李氏尹守度妻

王氏張連登妻

周氏張佩印妻

李氏胡清漪妻

侯氏李源明妻

劉氏王岱妻

房氏王思義妻

孫氏李本梅妻

王氏劉子龍妻

李氏劉鵬九妻

王氏田雲龍妻

李氏王荷芳妻

以上十一人並夫亡守節均咸豐九年請旌

濱州

北魏

封氏渤海人散騎常侍封愷女適中書侍郎清河崔覽氏有才識聰辨強記多所究知時李慈及孫文叔雖已貴重近世故事有不達者皆就而諮請焉劉氏渤海封卓妻成婚一夕卓赴官京師後以事誅氏在家忽然夢見知卓已死晝夜哀泣諸嫂慰諭之不聽經旬凶聞果至遂憤歎而死

元

胡烈婦渤海劉平妻至元七年平當戍棗陽車載其

武定府志

卷二十八

列女

濱州

一

家以行至沙河露宿夜半有虎突至啗平左臂曳之去婦急追十餘步及之手掣虎足呼兒取刀兒時甫七歲亦無怖意持刀授母刺虎割腸而斃平還至季陽城以傷卒事聞命恤其母子仍旌異之劉氏渤海李祐妻早寡父母使再醮不從舅患疽氏禱於神願減已年以益舅後疽潰吮其血乃愈閱數日親挽小車載其舅詣嶽祠答神願人稱其孝

按山東通志濟南府志濱州志俱作李五昔誤今從元史本傳正之

趙氏楊貞妻貞爲元帥府都事歿於濟南氏聞訃亟往迎屍歸葬畢泣伏墓側七日不食死

李氏惠高妻夫卒自縊

明

胡氏女布政經之妹二女皆好讀書有雋才不樂以才自炫故著作無傳長適尚書邊貢次爲德藩妃趙氏女其父興與其母相繼歿適弟三人二尚幼一在襁褓女年已及笄決志不適人勤力組織贍養三弟後皆成立女竟以是終其身葬州南十里許士人呼爲老姑墳

楊氏翁李彬年七十二歲正德間流賊掠城執彬將刃之氏奮身護翁乞極哀賊稱孝婦捨其翁而去

武定府志

卷二十八

列女

濱州

二

事聞旌表

李氏女名金玉正德間年十八流賊至女伏地穴內賊刃逼其父搜得女迫之不從厲聲罵曰賊曹殄我父顧又欲汚我耶賊怒支解之

王氏女名兩兒年十七流賊入境女潛積草下逼之不從遂見殺

蘇氏王適妻姑疾夜半思肉不得遂割股而進食之卽愈

李氏左達妻年二十二夫亡遺二子貧窘無資冰蘖自誓苦守四十餘年賜坊旌表

田氏蘇銓妻年二十一夫死無子鄉人勸之改適氏
堅志不從勤織紡以奉舅姑守節三十餘年得旌
表

韓氏魏昱妻夫卒遺孤元甚幼撫訓成立取重鄉評
人稱令母令子

王氏生員左汭妻夫亡撫孤守節四十餘年其子橫
登賢書

梁氏生員王有土妻年十八夫亡勵志苦守教子讀
書有學行

張氏齊邦典妻夫陣亡晝夜號泣嘔血幾死遺腹五

武定府志

卷二十八

列女

濱州

三

月生男名盡忠專力女紅撫孤成立事舅姑以孝
聞卒年五十七歲

董氏知縣張潤繼室孀居而白首完名節無慙于汎
栢撫孤而青雲奮翼賢可比于和熊此旌表語

張氏生員齊懋策妻二十餘歲夫亡勵志守孤閨門
整肅建坊旌表

殷氏李林妻年二十五夫疾篤顧謂氏曰若之何氏
以死自誓及林亡夜半解孝帶縊於柩側

劉氏常明妻年十九夫亡貧無所依堅貞自守始終
不渝

劉氏生員蘇承志妻早寡貧苦自守孀居六十年壽八十三歲

張氏生員杜若水妻年十七適杜未五月而夫亡貞志靜守奉禮瞿曇歷三十五年無病而終

周氏生員劉樸妻年二十八夫亡撫訓三子成立長燾列黌序氏享壽百歲孫曾繁盛

孫氏杜繼業妻早歲夫亡勤儉克家嚴正課子長詩成進士仕至布政使仲律選貢仕至通判季賦舉孝廉累贈夫人建坊旌表

馮氏劉鳳祝妻年二十二夫亡子女俱無誓不再醮

武定府志

卷二十八

列女 濱州四

冰心栢操歷六十餘年如一日享壽八十五歲

張氏貢生王維祺妻崇禎壬午兵入其室欲繫之去氏堅不肯隨迫以刃引頸受死遂被害

羅氏鎮撫杜詞妻崇禎壬午兵至見執掖之馬上氏委身投地者三被刃而死

王氏廩生張維慈妻明末維慈死於兵氏哭罵不絕口脅以挺刃不屈而死

劉氏生員觀女壬午之變女及笄未嫁聞兵至密縫衣裾及被執辱之不從乃牽去女怒置不巳殺於城隍廟前

周繡姐監生自鄭女崇禎壬午年十七兵至其家逼使隨往女給以故趨投於井眾撈出復奮脫倒墜井中而死

國朝

崔氏教諭王家槐繼妻年二十二夫亡越數年子復死撫育嗣孫德秀守節六十餘年知州李蔚春表其廬

張氏庠生劉士章妻于歸甫五載夫死于兵遺腹生男時烽烟未息抱孤歸母家匿地窖中兵退而反苦守五十年子進良謹厚孫隆錫登賢書恩賜食餼於庠年七十乃終

武定府志

卷二十八

列女 濱州五

龐氏張宿龍妻年二十五夫亡家貧無子苦守四十餘年康熙九年旌表

趙氏張士英妻壬午兵變失夫所在氏年十八甘心守待善事翁姑歷四十餘年州守金秉掄表其門王氏生員張箴妻十九歲夫卒兩世孀姑苦守堂上氏堅貞自矢事兩姑以色養教子永祚遊庠食餼孫宣成進士守節五十載康熙二十二年旌表聶氏賀敏進妻崇禎末一女未週歲敏進被兵繫去氏甘貧苦守完節而終

齊氏周銓妻年二十五銓死於兵並無子女苦節四十五年以壽終

王氏婁光變妻歸婁五載夫死無嗣姑年老矢志奉養族人欲奪其志刎頸拒之紡績供姑苦守五十餘年州守馬元表其門

夏氏張中運妻年二十三家貧挑菜於野惡少安英挾刃逼之氏怒罵不從遂被殺州守于國璧獲英寘之法康熙年旌表

吳雙姐登名之女父母外出女獨處有強暴晝入其室欲污之女堅拒不從被斫十餘刃血流蓋地死

武定府志

卷二十八

列女

濱州

六

知州于國璧贈詩勒石

劉氏虞城令嘉隆女德平舉人李圖南妻生負夙慧讀書曉大義善吟咏自號菊窗女史所著有菊窗吟緋雪編稿兼工水墨花卉

宋氏生員王端冕妻其祖姑生子以產死氏生子而殤姑命之乳叔唯從無難色遺嬰賴哺成立名列膠庠宗黨賢之

付氏劉儕妻年二十四儕死子甫月餘翁姑令改適氏堅志不從守節五十年

王氏張遂良妻年二十一家貧無子遂良病篤以雙

親托氏奉養氏許諾及夫卒父憐其少欲奪而嫁之因是遂絕歸甯紡績事翁姑十餘年如一日高氏花開鮮妻十八歲夫歿撫子贊梅成人娶婦馬氏生孫尙幼贊梅又亡兩氏同心苦守依弱嗣爲命先後相繼六十餘年

王氏劉連玉妻年十六夫亡舅亦繼卒子女俱無氏奉姑守節紡績供甘旨歷四十六年姑歿又獨居二十年以上壽終

陳氏張振紀妻十九歲夫亡遺腹生子紡績撫孤苦節四十餘年

武定府志

卷二十八

列女

濱州

七

祝氏宋奎煥繼妻于歸時值煥病篤未與同室煥逝氏撫育前子如已出堅貞自矢壽七十九歲

金氏劉義銘妻義銘亡遺子涵化娶常氏居六載涵化又卒常年二十有二與孀姑同志撫孤姑歿殯葬以禮宗黨稱之

劉氏劉其懋妻年二十三夫死家甚貧子僅三歲氏孝養其姑苦守六十餘年

趙氏王道粹妻年十九夫亡逾三月生遺腹子良臣氏撫孤成立壽八十五歲

王氏杜世錫妻二十六歲而寡遺孤甫週歲氏事姑